

Assistent per sanadad e fatgs socials AFP

Assistentia per sanadad e fatgs socials AFP

Gesundheit

Soziales

Assistentas ed assistents per sanadad e fatgs socials gidan persunas en il mintgadi. Ellas ed els sustegnan las persunas da sa trair en e da sa trair ora, da sa lavar, da far la barba e da tagliar chavels. La glieud da professiun accompogna persunas a la tualetta e sustegna ellas da mangiar e da baiver. Ellas ed els mesiran il pais, la temperatura ed il puls e dattan medicaments. Ultra da quai accompognan ellas ed els persunas a termins, nettegian locals e fan cumpras.

Incumbensas

Gidar persunas en il mintgadi

- gidar persunas a sa trair en ed a sa trair ora
- lavar, far la barba e tagliar ils chavels a persunas
- accompagnar persunas a la tualetta, preparar meds auxiliars sco la sutga da notg u svidar satgs d'urin sche necessari
- unscher en cremas, bandaschar chommas e trair en chaltschiels medicinals
- mesirar il pais, la grondezza, la temperatura u il puls
- metter giu e volver persunas che ston star en letg, pia adattar lur posiziun da giaschair
- proteger l'atgna sanadad, p.ex. prender persunas en moda correcta ord il letg, senza engrevgiar memia fitg il dies
- gidar persunas a mangiar ed a baiver

Tgitar persunas

- observar midadas vi dal stadi da sanadad ed infurmar il persunal medical, sch'i dat in cas d'urgenza
- accompagnar persunas sin spassegiadas u sin via tar la media u tar il fisioterapeut
- dar medicaments

Organisar lavurs e liquidar incumbensas administrativas

- porscher a persunas in mintgadi reglà, p.ex. organisar gieus u occurrenz
- metter maisa e nettegiar la sala da mangiar
- nettegiar locals
- controllar apparats
- scriver glistas da cumpras ed ir a far cumpras
- zavrar laschiva, lavar, sientar, stirar e metter d'avent
- emplenir formulars al computer

Ambient da lavur

Assistentas ed assistents per sanadad e fatgs socials lavuran en ospitals, chasas da dimora u tar persunas a chasa. Ellas ed els fan part da teams cun spezialistas da sanadad, cun spezialists d'assistenza e cun spezialistas d'hotellaria e d'economia. Lur temps da lavur èn savens irregulars. Tut tenor il lieu da lavur lavura la glieud da professiun er durant la notg e las fins d'emna.

Assistentas ed assistents per sanadad e fatgs socials lavuran en chasas da persunas attempadas e da tgira, instituziuns per persunas cun impediments, ospitals, centers da reabilitaziun, clinicas psichiatricas u tar la Spitex. Il sector da tgira e



d'assistenza ha savens mancanza da persunas spezialisadas. En centers da persunas attempadas e da tgira è la glieud da professiun tschertgada.

Pretensiuns e interess

Pretensiuns

- Empatia
- Curtaschia e sensibilitad
- Abilitad da lavurar en in team
- Discreziun
- Equiliber emoziunal
- Senn per igiena e per nettezza
- Prontezza da lavurar durant uras irregularas u servetschs da notg
- Pazienza

Interess

- Gidar e tgirar autras persunas
- Avair contact cun persunas
- Lavurar en il team
- Lavurar en moda exacta

Scolaziun

Manaschis

En ina instituziun dals fatgs da sanadad u dals fatgs socials

Scola

1 di per emna en la scola professiunala

Curs odaifer il manaschi

Emprender, approfundar ed exercitar las basas professiunalas, 24 dis durant 2 onns

Scola a temp cumplain

Tut las scolas

<https://www.berufsberatung.ch/de/suche/aus-weiterbildungen?profession=57205&language=5239>

Durada

2 onns

Cundiziuns d'admissiun

Terminà la scola obligatorica

Titel da finiziun

Assistent / Assistentin per sanadad e fatgs socials AFP

Furmaziun cuntinuanta

Curs

Purschidas da scolas spezialisadas e da scolas professiunalas spezialisadas sco er d'associaziuns professiunalas

Emprendissadi supplementar

Assistentas ed assistents per sanadad e fatgs socials AFP pon per regla far in emprendissadi scursanì sco Spezialist / Spezialista da sanadad AFQ u sco Spezialist / Spezialista d'assistenza AFQ.

Dapli infurmaziuns dat il film

<https://www.berufsberatung.ch/dyn/show/1911?lang=de&idx=30&id=2393>

davart la professiun Spezialist / Spezialista da sanadad AFQ.

Suenter pon vegnir absolvidas las medemas furmaziuns supplementaras sco per las furmaziuns da basa respectivas cun AFQ.

Professiuns sumegliantas

Professiun

Practicist / Practicista d'hotellaria e d'economia da chasa AFP

<https://www.berufsberatung.ch/de/rm/professiun/practicist-practicista-dhotellaria-e-deconomia-da-chasa-afp>

Ulteriuras infurmaziuns

Swissdoc Nummer

0.722.46.0

TODO

OdASanté

<https://www.odasante.ch>

SAVOIRSOCIAL

<https://www.savoirsocial.ch>

TODO

<https://www.becc.admin.ch/becc/public/bvz/beruf/show/86913>